



DIARIO

E MATUTINO DI ARUBA

Abonado pa luna 19,00*hemplar 80 cent aña 13 No.3644

DIALUNA 11 JANUARI 1993

FORMACION DI GOBIERNO

ORANJESTAD(AAN) Ayera durante henter dia DIARIO por a nota diferente actividad riba tereno politico. Reunion tras di reunion den seno di e diferente partidonan tabata tumando lugar pa mira ta con e gobierno nobo lo ser forma. E alternativanan ta hopi, pero semper a base di e partidonan chikito.

E prome posibilidad ta un coalicion di e dos partidonan mas grandi AVP y MEP, pero e no ta parece factible na prome bista. Sinembargo, den politica tur cos ta posibel, e combinacion aki tambe.

Den di dos lugar ta bin e combinacion AVP-OLA-PPA-ADN, ya cu Pueblo a duna AVP e mandato pa goberna, haciendo AVP e partido mas grandi di Aruba. E lo ta un gobierno cu un base di 12 asiento. Den di tres lugar por considera un coalicion AVP-OLA-PPA, cu lo

conta cu 11 asiento y por goberna cu relativo tranquilidad. Otro posibilidad ta AVP-OLA-ADN, cu tambe lo conta cu e mesun 11 asientonan. Finalmente, e ultimo alternativa ta esun cu tin actualmente, o sea MEP-ADN-PPA, cu tambe lo conta cu un base di 11 asiento.

Si mester bay di acuerdo cu e voluntad di Pueblo, anto cualke un di e combinacionnan cu AVP como base lo mester ta e resultado logico di e eleccion di dia 8. Cual e lo ta? Esey ta toca e partidonan dicidi. Y si e ta bay ta un cu MEP como base, esey tambe ta toca e partidonan dicidi entre nan. Cual cu e resulta di ta, DIARIO lo ta semper vigilante pa nan cumpli cu e promesanan haci na pueblo

durante e campaña cu ta tras di lomba.

Seguramente riba di 6.000

HENNY EMAN TA E VOTE-GETTER MAS GRANDI

ORANJESTAD (AAN): Mescos cu aña pasa, tur cos ta muestra cu e lider di Partido AVP, mr. Henny Eman lo ta e vote-getter di mas grandi pa di segundo vez consecutivo na Aruba.

Na 1989, Henny Eman a haya 5.000 y pico voto pa su Partido y asina a sa di ocupa e puesto hopi honra aki. Si mira bon, aunke ta falta conteo individual di dos stembu-

reau, claramente por mira cu 1993 Henny lo pasa e cifra di 6.000 votos facilmente.

Aworaki preliminarmente e tin 5.834 votos, y tin hopi indicacion cu pa Stembureau 12 y Stembureau 43 e lo haya suficiente pa pasa seis mil.

Tico Croes tambe a muestra cu e tey pa keda, y a subi for di 500 y pico votos na 1989 pa 1.133 votos (preliminar) na 1993.

Charro a pasa 1000 votos

ADN A CRECE CU 14 VOTOS

ORANJESTAD (AAN): E Partido di Charro Kelly, Accion Democratico Nacional, a keda cu tur su 2.298 voto di eleccion pasa, plus a haya 14 voto acerca.

E total pa eleccion di 1993 ta pues 2.312, cual ta suficiente pa otorga ADN un

asiento.

Charro Kelly mes a bay dilanti den votos individual. Biaha pasa e tabata tin 754, y e aña aki e tin preliminarmente 1.112. Corda cu ainda falta Stembureau 12 (Imelda Kleuterschool) y Stembureau 43 (De Veerschool) pa conta